

# LATGALIŠU GAZETA

## Vasals! Mes runojam latgaliski, a Tu?!

## Kū vaira volūdu, tū lobuok!




**Nu 18. da 21. augusta Rēzeknis rajona Bieržgali nu molu molom sabrauce latgališu jauniši, kab puors dīnu dzeivuotu, runuotu, sepineitu, guoztu pūds, doncuotu i dziduotu jaunišu seminarā "Atzols". Seminaru jau piktū godu organizēja bidreiba "Latgolys Studentu centrs", a finansiali itūgod atbaļstēja Vaļsts kulturkapitāla fonds.**

**Ilona Zaiceva**

Vacuio Bieržgaļa muiža palyka par sātu jaunišim nu vysu Latgolys rajonu, izjemūt Daugovpilš rajonu. Kai smējēs organizatori, nu navarim, navarim mes sovulos rūkuos dabuotu jaunišus nu Daugovpilš pusis. Laidkam "Atzols" byus juoreikoj tymā pusē, kab varātu aplypnyuot jū ar trokū atzolišu goru, kod nav svareigi, cik stuņžu gulāts – ka tik vys ir aizspāts, izdziduots, izdoncuots i izzynyuots.

Ari itymā godā jauniši dazynyuoja koč kuo jauna

poši deļ seve latgališu rostu volūdā, latgališu prozā, žurnalistikā, gitarspēlē i nu sirds pasadorbuoja radūšajuos darbneicuos. Tyka ipazeistynuoti ar Bieržgaļa apļeicini i juos viesturi. Tyka informēiti par ekspediceju pi Sibira latgališu. Nūtyka nakts styga pa Bieržgali, tyka izdziduotys dzīšmu dzīsmis, pi guņkura nūsvieteiti atzolišu Bierneibu svātki i giuti ispaidi, kas verūt ilgi siļdēs sirdi i, apsavevūt obrazeņus, atsauks pruoat skaļus smiklus.

Pa itim godim par atzo-

lišim seve var saukt vaira kai 120 cylvāku. Vysmoz reizi godā puors dīnu jī ir dzeivuojuši latgaliski – runuojuši i sev apļeik dzierdiejuši volūdu, kurā, kai izaruod, runoj ni tikai dzeds i baba, ni tik par klāvu i gūvi, a ari jauniši i runoj par meileibu i dzeivi, dzid dzīsmis i doncoj, pat sapynus radz latgaliski.

Da cyta goda!

*/nu Atzolu sīnys gazetū numerū/*

**DĪNYS NŪTIKUMS:**

Bieržgali sabraukuši leli i mozi, jauni i vēļ jaunuoki, blondi i timsūs motus nosojūši atzoliši, kab četrys dīnys pavadātu piļņeigā harmonejā.

**DĪNYS ĪSPIEJA:**

Teik maklāts leigavaiņš i leigova "Atzolu" kuozom,

ari bazneickungs. Kai ari lobpruoteigi var pizasaceit jauns nabašņiks. Bēris tiks reikuotys "Atzolu" stylā.

**DĪNYS NOGLA:**

Gribit, puiši, jemit mani. Nagribit, najemit! (nu dzīsmis "Apleik kolnam ar leikumū")

**19.AUGUSTASEVIŠKUOS DĪNYS GAITYS...**

... 04:30 gulētīšonys laiks ipriķšejai dīnai ... mīgs, pūsmīgs i namīgs.

08:30 paradzātais mūdnyuošonys laiks. Pasamūde tikai vadeiba.

08:43 vītejuo zaļumbaļļu kapela pamūdnyova myusus ar sovīm nakonsekventi radeitajim trūkšnim.

... tuoļuok laika atskaite beidzēs, es napajiemu teleponu.

## Taiseits Latgolā Nr. 5

**Pyrmuo latgališu muzykys koncertturneja it iz prišķu. Piec pasuokumu Preiļu, Dagdys, Rēzeknis i Kuorsovys pusē, daguoja kuorta i Daugovpilšam. Tai 1. septembrī, kūpā ar Zineibu dīnys svineibom, latgaliska muzyka izskanēja ari Latvejis ūtrajā leluokajā mistā.**

**Jureits**

Vysapyrma juosoka paļdis Daugavpilš Universitatei, kas iz sovu pasuokumu Vīneibys laukumā paaicynova latgališu roka izpiļdeituojus – grupu "Bez PVN". Gondreiž stuņdi ilguo uzastuošona beja breineiga duovona vysim Daugovpilša latgališim i jaunajim studentim.

Kai turpnyuojumu itam koncertam bidreiba "Latgolys Studentu centrs" sareikuoja

sirsneigu latgališu muzykys pasuokumu muoksls duorzā "Gliemezis" – pīsadaleiti muzykanti nu grupys "Dabasu Durovys", DaGunchi, gostūs pylnā sastuoivā beja atbraukuši puiši nu grupys "Likteneigais pagrīzīns iz Vainovu". It kai deļ lela ļaužu pulka pamazuo ustoba reizē radēja unikali intimu sasaisti ar latgališu muzykys skaņom – deļtuo juoatzeist, ka piktāis koncertturnejis "Taiseits Latgo-



lā" pasuokums izadeve sovpatēigi sovaižuoks nu leidz šam izskaniejušus.

Paļdis vysim pasuokuma dalinīkim, muoksls duorza "Gliemezis" saiminīkim i laikrokstam "Latgales Laiks" par atbolstu. Gaideisim jaunūs latgaliskūs pa-

suokumus Daugovpilī!

20. septembrī nūtikys jau sastais "Taiseits Latgolā" pasuokums – Bolvu pusē, Upītē. Vaira informacejis par jū skaitit Nūtikšonu kalenderi i škarsteiklā: [www.lakuga.lv](http://www.lakuga.lv).

### NŪTIKŠONU KALEŅDERS

● **NŪVODU DZEJŅĪKI SKAITA DZEJU PASUOCĪNĪ "NOVADU PANT-TONI"**

06.09.2008, Reiga

Nūvodu dzejņiku skaitiejumi Latvejis Etnografiskajā breivdoby muzejā apmāram nu 12:00 leiz 16:00 stuņžu. Aizdavums ir popularizēt nūvodu dzejņiku veikumu, vysu vaira viereibys dagrīžūt kotra kulturviesturiskuo nūvoda – Zemgalis, Kūrzemis, Vidzemis i Latgolys – atšķireigajai kulturys identitatei i bagateibai, kas izapauž tik jam rakstureigā unikālā kulturys montuojumā i vūlūdys sovpatēigumā. Pasuocini organizē Latvejis Rakstņiku savineiba sadarbībā ar regionālajom literarajom apvīneibom i bidreibu "Latgolys Studentu centrs". Vairuok skaiti škarsteiklā: [www.lakuga.lv](http://www.lakuga.lv).

● **DZEJIS DISKA "INFLATIO POESIS" ATKLUOŠONA**

09.09.2008, Reiga

SEB bankys Rīdzenis filiālē, Vaļņu ilā 11, 15:00 stuņdēs nūtikys dzejis diska "Inflatio Poesis" prezentaceja. Disks izīt jau trešū godu nazkodejuos Dzejis dīnu godagruomotys vitā – audio formatā. Diskā ir septeņu latgališu dzejņiku dzejūli. Bankys darbiniku vitā bankā struoðuos dzejņiki i kreditu vitā izsnīgs sovu dzeju audio i drukuoatā formatā.

Projekta realizēšonā pīsadaleja ari bidreiba "Latgolys Studentu centrs" ar Latgolys regiona atteisteibys agenturys finansialū atspaidu. Vairuok skaiti škarsteiklā: [www.lakuga.lv](http://www.lakuga.lv).

● **MEILYS AIĻU I DZĪŠMU FESTIVALS "UPĪTES UOBELDUORZS"**

20.09.2008, Upīte

Škilbānu pogosts, Bolvu rajons  
Itymā godā latgališu dzīsmīnīku festivals ir iķļauts pyrmajā latgališu muzykys koncertturnejā "Taiseits Latgolā / Made in Latgola".

● **GRUPYS "DABASU DUROVYS" PYRMUO ALBUMA PREZENTACEJIS PASUOKUMI**

10.09.2008, park hotel "Latgola", restorans "Plaza", Daugovpilš

12.09.2008, Reiga, klubs "Depo"

25.09.2008, Reiga, LMA Studentu klubs

Grupa "Dabasu Durovys" gaida sovus draugus, atbaļsteituojus iz muzykys skrytuļa "Ļepetņiks" pīskāstēišonys pasuocinim.

● **KONFERENCE "ONTONA SKRINDAS LATGALIEŠU GRAMATIKAI 100"**

19. – 20.09.2008, Sanktpīterburga, Krīvejis Federaceja  
Sanktpēterburgas Valsts universitatē notiks 1. starptautiskā latgalistikas konference.

2008. gadā aprit 100 gadu kopš A. Skrindas latgaliešu gramatikas iznākšanas – "Латышская грамматика латгальского наречья" – Latvišu volūdas gramatika" (Pēterburga, 1908). Atzīmējot šo jubileju, uzsākta starptautisku konferenču sērija, kurās iecerēts pulcināt latgaliešu valodas un literatūras pētniekus, aplūkot aktuālus latgalistikas jautājumus un koordinēt sadarbību latgaliešu valodas un kultūras izpētē, popularizēšanā, attīstībā. Uzmaniba tiks pievērsta latgaliešu valodas normēšanas vēsturei un principiem, izlokšņu un rakstu valodas mijiedarbei, teorētiskās gramatikas jautājumiem, daiļliteratūras tapšanas procesam.

● **LATVEJIS I LĪTOVYS FORUMA III KONGRESS**

20. – 21.09.2008, Aglyuna

Vadmotivs – "Latvejis i Lītovys viesturis saskaris punkti" jis veļteits obeju vaļstu viesturis vaicuojumim saleidzynyšā apsavieirini. Kongresā dūmuots dorbs sekcejuos i grupuos, apsavevūt Latvejis i Lītovys viesturis problematiku. Pasuokumu reikoj Latvejis i Lītovys foruma asoaceja.

"Latgališu Gasetu" atbolsta Latgolys regiona atteisteibys agentura i Kulturkapitāla fonds.



VALSTS  
KULTŪRKAPITĀLA FONDS